



ERAUSKIN ETXABE familia

ARRUARTE Arruegi auzoko baserria da. Berta-koek diotenagatik bere izena Arru eta Arruaba-rren artean egoteagatik dator.

Baserri inguruko soro eta sailen izenak dira: *Etxe-azpi, Matxiollo, Arru-muño, Luberri, Basoko zelaie, Gaintzalde, Urtalde, Bekobasoa.*

Baserritik herrira ordu erdi dago oinez, autoz bost minutu. 1963an egin zuten bidea, asfaltatu gabea.

Etxe jabe dira Arruartekoak. Oraingoek diotenez, aitona Joxe Agustinek eskuratu zuen baserria, azken urteetan osaba-izebak zaindu zituelako.

Joxe Mari Erauskin, etxeko semea, eta Roxa Etxabe, *Urtsuaundiko* alaba, 1948an ezkondu ziren, eta etxean egin zuten otordua. Ordurako baserriko anaia-arreba guztiek etxetik kanpo egiten zuten lan.

Bost seme-alaba izan zituzten: Agustin, Rosa Mari, Iñaki, Mila eta Joxe Martin. 1974tik aurrera, seme-alaba denak irten ziren baserritik kanpora lanera.

Baserrian baziren sei behi, eta soroan egiten zuten garia, artoa, patata... Ordiziako ferian saltzen omen zituzten arrautzak, patata eta bestelakoak, sobran izanez gero.



Baserriaren arrastoa idatzietan

Arruarte, Arrue eta Arruebarren goikoa bezala agertzen da 1783-12-17an, Francisco Antonio de Echaveren aurrean, Enerio eta Aralarko sailen erabileraz bitartekari bati emandako botere-emaileen artean. Aipatzen denagatik, Arruartetik bost lagun agertu ziren bilerara, eta beraz, ordurako etxebizitza bat baino gehiago izango zen bertan.

Informazio emailea: Mila Erauskin.



ERAUSKIN ARRUBARRENA familia etxe inguruan. 1935
Maria, Luixa, Joxe Mari, Katalina, Pili /
Terexa, Joxe Agustin (aita), Maria Dolores (ama) eta Jexuxa.



ERAUSKIN ETXABE familia etxe atzean. 1963
Agustin, Roxa (ama), Joxe Mari (aita), Rosa Mari /
Joxe Martin (magalean), Mila eta Iñaki.



ERAUSKIN ARRUBARRENA familia
Pili, Maria, Terexa, Jexuxa/ Luixa, Joxe Mari eta Katalina.



Maria Dolores Arrubarrena eta Joxe Agustin Erauskin.